

**RJEŠENJE**

**O DODJELI DIJELA SREDSTAVA TRAJNOG
REVOLVING FONDA KOD UNION BANKE D.D.
SARAJEVO FEDERALNOG MINISTARSTVA
ENERGIJE, RUDARSTVA I INDUSTRIJE ZA
DUGOROČNO FINANSIRANJE PROJEKATA PUTE
DODJELE KREDITA ZA 2014. GODINU PRIVREDNOM
DRUŠTVU KLAUS LEHMANN GmbH D.O.O.
GRAČANICA U IZNOSU OD 300.000,00 KM**

I

Ovim Rješenjem, u skladu sa Programom utroška sredstava trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2014. godinu ("Službene novine Federacije BiH", broj 27/14), utvrđuje se dodjela dijela sredstava privrednom društvu "KLAUS LEHMANN GmbH" d.o.o. Gračanica, Grabovac bb, Gračanica, JIB 4209296770001, iz oblasti elektro industrije u iznosu od 300.000,00 KM. Navedena sredstva su kreditnog karaktera, sa rokom otplate 49 mjeseca, nakon isteka grace perioda od 6 mjeseci, kamatnom stopom od 0,9% na godišnjem nivou i biće utrošena za nabavku nove opreme i izradu niskonaponskog postrojenja - prototip.

Ponudeni kolateral za obezbjeđenje kreditnih sredstava je:

- 1) nekretnina upisana u Zemljišnoknjižni uložak broj 2681 u K. O. SP_ - GORNJA VOGOŠĆA, koju u naravi čini:
 - k.č. 588/11, Potoci, koju u naravi čini PORODIČNO STAMBENI OBJEKAT površine 183 m², NJIVA površine 618 m², sveukupne površine 801 m².

U B - vlasničkom listu kao vlasnik navedene nekretnine, sa udjelom 1/1 upisano je društvo Klaus Lehmann GmbH d.o.o. Gračanica.

Procjena vrijednosti nekretnine sačinjena je od strane stalnog sudskog vještaka građevinske struke, dipl.ing.građ. Hadžibegović Eldina dana 20.06.2014. godine, kojom je utvrđena vrijednost na iznos od 468.910,00 KM.

Na gore navedenim nekretninama založno pravo će se upisati u korist Federalnog ministarstva energije, rudarstva i industrije (u daljem tekstu: Ministarstvo).

- 2) Bjanko mjenice, sa ovlaštenjima za popunu istih i platni nalozi pravnog lica KLAUS LEHMANN GmbH d.o.o. Sarajevo (18 kom.), vlastite mjenice, sa ovlaštenjima za popunu istih vlasnika/suđužnika pravnog lica - Hamzić Kemal (1 kom.), polica osiguranja nekretnine od standardnih rizika osiguravajućeg društva vinkulirana u korist Ministarstva za cijelo vrijeme trajanja otplate kredita.

Korisnik kredita se obavezuje u roku od 60 dana od dana potpisivanja ugovora, zasnovati založno pravo na opremi koja se finansira sredstvima kredita, u svrhu obezbjeđenja potraživanja po osnovu ugovora.

Svi instrumenti osiguranja iz ovog člana bit će deponovani kod Komisionara/Union banke d.d. Sarajevo (u daljem tekstu: Banka), a kopije istih bit će dostavljene Ministarstvu uz potvrdu da su originali deponovani kod Banke.

II

Sredstva iz tačke I ovog Rješenja, utvrđena su Odlukom Vlade Federacije Bosne i Hercegovine o davanju saglasnosti Federalnom ministarstvu energije, rudarstva i industrije za uspostavu trajnog revolving fonda kod Union banke d.d. Sarajevo za dugoročno finansiranje projekata putem dodjele

kredita - trajni revolving fond ("Službene novine Federacije BiH", broj 27/14), a realizirati će se putem Union banke d.d. Sarajevo.

III

Banka će na osnovu donesene i objavljene Odluke i Rješenja izvršiti ugovaranje sa korisnikom sredstava, u roku od 15 dana od dana objave Rješenja, izuzev ukoliko od strane korisnika sredstava ne budu ispunjeni svi uslovi za potpisivanje ugovora. Za realizaciju kreditnih sredstava, korisnik kredita je dužan ispuniti sve uslove koje je Banka navela u dokumentaciji prilikom obrade kreditnih zahtjeva.

Naknadu za obradu kreditnih zahtjeva, Banka će obračunavati i naplaćivati od korisnika kredita jednokratno u visini 0,6%. Isplata kredita će se vršiti na način utvrđen aktima Banke i u skladu sa Ugovorom o kreditu, Programom i ovim Rješenjem.

IV

U svrhu kontrole namjenskog korištenja dodjeljenih sredstava korisnik je dužan provesti odobrenu investiciju u cijelosti, te između ostalog dostaviti Ministarstvu i Banci Izvještaj o provođenju odobrene investicije sa prikazom očekivanih učinaka investicije, i to najkasnije do 6 mjeseci nakon dodjele sredstava.

V

U slučaju da se iz bilo kojeg razloga ne može postupiti po Rješenju, Banka će o istom informisati Ministarstvo.

VI

Ovo Rješenje stupa na snagu narednog dana od dana objavljivanja u "Službenim novinama Federacije BiH".

Broj 07-14-564-4/14

15. septembra/rujna

2014. godine

Mostar

Ministar

Erdal Trhulj, s. r.

**FEDERALNO MINISTARSTVO ZDRAVSTVA
2120**

Na osnovu člana 24. stav 3. i člana 25. stav 3. Zakona o krvi i krvnim sastojcima ("Službene novine Federacije BiH", broj 9/10), na prijedlog Stručne komisije za transfuzijsku medicinu, federalni ministar zdravstva donosi

PRAVILNIK

**O IZMJENI PRAVILNIKA O POSEBNIM TEHNIČKIM
ZAHTJEVIMA ZA KRV I KRVNE SASTOJKE**

Član 1.

U Pravilniku o posebnim tehničkim zahtjevima za krv i krvne sastojke ("Službene novine Federacije BiH", broj 78/11), u Prilogu 2. "Kriteriji za odabir davatelja", u tački 1. "Kriteriji prihvaćanja davatelja pune krvi i krvnih sastojaka", podtačka 1.1. "Dob i tjelesna težina davatelja", u dijelu koji se odnosi na tjelesnu težinu, mijenja se i glasi:

Tjelesna težina	≥ 50 kg za davatelje i pune krvi i krvnih sastojaka postupkom afereze
-----------------	---

Član 2.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-6183/14

22. septembra 2014. godine

Sarajevo

Ministar

Prof. dr. **Rusmir Mesihović**, s. r.